

Namoŭta němskich biskopow ke kolekće za zjězd katolikow 2022

Lube sotry a lubi bratřa!

„žiwjenje džělic“ rěka hesło 102. zjězda katolikow Němskeje, kotryž wotměje so wot 25. do 29. meje 2022 w Stuttgarće.

„žiwjenje džělic“ – Naše žiwjenje, runje jako křesćanow, je na solidarnosť zložene. Tole zwuraznja hesło lětušeho 102. zjězda katolikow. Džělic – to zamóžemy jeničce my ludžo. Hdžež tež hladamy, spóznajemy, kak wažne za žiwjenje a hustodosć trěbne za žiwjenje móže być, zo materielne wěcy abo swoju přichilnosť, swój čas abo swoju wědu z druhimi džělimy. W tutym džělenju žiwjenja je nam Jězus z přikładom. Kaž žadyn druhi je wón pokazať, što rěka, žiwjenje, lubosć a wzajemnu starosć z druhimi džělic.

Najebać wšitke krizy w cyrkwi a towaršnosći budže tutón zjězd katolikow wuraz witalnosće našeho cyrkwinskeho žiwjenja: rozmyslowacy a wjesoły, pobožny a zdobom politiski. Zjězdy katolikow su wažne městna zetskawanja, přesahowace wosady a biskopstwa. Wone skića składnosť, so z druhimi towaršnostnymi akterami z politiki a wědomosće, gospodarstwa a kultury wuměnjeć. Wone spěchuja ekumeniski dialog a wuměnu z druhimi nabožinskimi zhromadženstwami. Zjězdy katolikow su šansa, džěl swojeho žiwjenja z druhimi džělic: na Božich službach, w diskusijach a rozmoŭnych koľach, na wulkich zhromadźiznach a we wosobinskej rozmoŭnje. Wo temach, kotrež nas w našej cyrkwi tuchwilu zaběraja, budže so při tym runje tak rěćec kaž wo wulkich wužadanjach, před kotrymiž jako towaršnosť a jako mjezynarodna zhromadnosť stejimy.

Lube sotry a lubi bratřa, někotři z Was su wobdžělenje na tutym swjedženju wěry hižo zaplanowali. Tola byrnjež njemóžeće wosobinsce w Stuttgarće přitomni być, prosymy Was wutrobnje wo Wašu podpěru. Zjězd katolikow je widžomny wuraz zamoŭwitosće wšěch katolikow za cyrkej a towaršnosť. Ze swojim paćerjom a swojim darom pomhaće, zo by so zjězd katolikow ze swědčenjom za našu wěru stať.

we Würzburgu, 25. apryla 2022

Za Drježdžansko-Mišnjanske biskopstwo

+ Heinrich Timmerevers

Drježdžansko-Mišnjanski biskop